




Broj/Број: 01/7-50-1-7-2-36/06
Sarajevo/Сарајево: 23.5.2006.



ZAPISNIK

36. sjednice Administrativne komisije Predstavničkog doma Parlamentarne skupštine Bosne i Hercegovine, održane u zgradi institucija BiH, 23.5.2006. godine, s početkom u 14,00 sati

PRISUTNI ČLANOVI KOMISIJE: Senija Kapetanović, Mubera Ušanović, Hazim Felić, Jozo Križanović i Ruža Sopta .

ODSUTNI ČLANOVI KOMISIJE: Dušanka Majkić, Vinko Zorić, Momčilo Novaković i Mladen Potočnik.

Trideset šestom sjednicom Administrativne komisije Predstavničkog doma Parlamentarne skupštine Bosne i Hercegovine predsjedavala je Senija Kapetanović, predsjedavajuća Administrativne komisije Predstavničkog doma Parlamentarne skupštine Bosne i Hercegovine.

Za sjednicu je predložen sljedeći

DNEVNI RED

1. Usvajanje Zapisnika 35. sjednice Administrativne komisije;
2. Utvrđivanje naknade za rad na drugim poslovima;
3. Razmatranje Informacije o nepoštivanju Zaključka, broj: 01/7-50-1-52-2a-28/05, od 30.6.2005. godine;
4. Dostava Uvjerenja o položenom kursu engleskog jezika po Odluci Administrativne komisije, broj: 01/7-50-1-52-5-28/05, od 30.6.2005. godine;
5. Tekuća pitanja.

Trideset šestu sjednicu Administrativne komisije Predstavničkog doma Parlamentarne skupštine Bosne i Hercegovine otvorila je predsjedavajuća sjednicom Senija Kapetanović i predložila da se u dnevni red pod tačkom AD-5 razmatra a) Informacija u vezi s nadležnom komisijom za Prijedlog zakona o pravima i dužnostima poslanika i delegata y Parlamentarnoj skupštini Bosne i

Hercegovine, te pozvala prisutne članove Administrativne komisije da se izjasne o njemu, odnosno da daju primjedbe, prijedloge i sugestije.

Ruža Sopta predložila je da se pod tačkom AD-5 razmatra b) Plaćanje naknade za smještaj u hotelu koji nije izabran na tenderu; i c) Dostava pošte poslanicima koji ne koriste pravo na smještaj i odvojeni život, odnosno nemaju prebivalište ili boravište u Sarajevu.

S obzirom da nije bilo drugih primjedbi i prijedloga, prisutni su jednoglasno usvojili dnevni red s predloženim izmjenama.

Nakon usvajanja dnevnog reda trideset šeste sjednice Administrativne komisije Predstavničkog doma Parlamentarne skupštine Bosne i Hercegovine, pristupilo se njegovom razmatranju po utvrđenim tačkama.

AD-1 Prisutni su jednoglasno usvojili Zapisnik 35. sjednice Administrativne komisije Predstavničkog doma Parlamentarne skupštine Bosne i Hercegovine.

AD-2 Uvodno izlaganje uz ovu tačku dnevnog reda dala je predsjedavajuća sjednicom Senija Kapetanović. Pošto nije bilo rasprave o ovoj tački dnevnog reda, prisutni su jednoglasno donijeli

ODLUKU

o utvrđivanju visine naknade za privremeno obavljanje poslova sekretara komisije

I.

Državnom službeniku Rajki Stanišić za privremeno obavljanje poslova sekretara Komisije za vanjsku trgovinu i carine Predstavničkog doma Parlamentarne skupštine Bosne i Hercegovine utvrđuje se naknada na osnovnu plaću u visini od 20%.

II.

Za realizaciju ove odluke zadužuje se Kolegij Sekretarijata Parlamentarne skupštine Bosne i Hercegovine.

III.

Odluka stupa na snagu danom donošenja, a primjenjivat će se od 1.5.2006. godine.

AD-3 Uvodno izlaganje o ovoj tački dnevnog reda dala je Senija Kapetanović.

Hazim Felić je u svojoj diskusiji istakao da treba skrenuti pažnju sekretaru Zajedničke službe Sekretarijata Parlamentarne skupštine Bosne i Hercegovine da se mora voditi računa da Biblioteka u vrijeme održavanja sjednice Predstavničkog doma Parlamentarne skupštine Bosne i Hercegovine treba da bude na raspolaganju Mješovitom klubu poslanika, u skladu sa zaključkom ove Komisije.

Jozo Križanović podržao je prethodno izlaganje i naglasio da Administrativna komisija izražava nezadovoljstvo nepoštivanjem zaključka i traži da se poslanicima osigura korištenje Biblioteke.

Ruža Sopta objasnila je problem prostora za rad klubova i zatražila da Administrativna komisija proširi zaključak da klubovi koji nemaju prostorije za rad mogu koristiti Biblioteku u vrijeme održavanja sjednice Predstavničkog doma Parlamentarne skupštine Bosne i Hercegovine, kao i nezavisni poslanici.

Jozo Križanović predložio je zaključak kojim bi se reklo da u vrijeme održavanja sjednice Predstavničkog doma Parlamentarne skupštine Bosne i Hercegovine Biblioteka mora biti na raspolaganju poslanicima i klubovima, te da za njegovu realizaciju treba zadužiti sekretara Zajedničke službe.

Prisutni su jednoglasno donijeli

ZAKLJUČAK

U vrijeme održavanja sjednica Predstavničkog doma Parlamentarne skupštine Bosne i Hercegovine, Biblioteka Parlamentarne skupštine Bosne i Hercegovine mora biti na raspolaganju poslanicima i klubovima poslanika.

Poslanicima i klubovima poslanika, u navedene dane, moraju se osigurati uslovi za nesmetano korištenje Biblioteke.

Za realizaciju ovog zaključka zadužuje se sekretar Zajedničke službe Sekretarijata Parlamentarne skupštine Bosne i Hercegovine.

AD-4 Uvodno izlaganje uz ovu tačku dnevnog reda dala je Senija Kapetanović.

Prisutni su jednoglasno donijeli

ZAKLJUČAK

Administrativna komisija Predstavničkog doma Parlamentarne skupštine Bosne i Hercegovine primila je k znanju informaciju Marije Perkanović o položenom kursu engleskog jezika.

AD-5 a) Informacija u vezi s nadležnom komisijom za Prijedlog zakona o pravima i dužnostima poslanika i delegata Parlamentarne skupštine Bosne i Hercegovine

Uvodno izlaganje uz ovu tačku dnevnog reda dala je Senija Kapetanović. Prisutni su primili k znanju informaciju kao i materijal koji su dobili uz ovu tačku dnevnog reda.

b) Plaćanje naknade za smještaj u hotelu koji nije izabran na tenderu

Obrazloženje uz ovu tačku dnevnog reda dala je Ruža Sopta. Istakla je da su se članovi njenog kluba žalili da se ne priznaju računi za noćenje u hotelu koji nije izabran na tenderu. Naglasila je kako nije dobro prisiljavati nekoga da koristi hotel izabran na tenderu i ne dozvoljavati da se plati račun hotelu koji koristi poslanik po svom izboru, tim prije što je račun u visini računa hotela izabranog na tenderu, a razlozi za korištenje drugog hotela mogu biti različiti.

Senija Kapetanović pitala je u čemu je problem, ako je cijena hotela za noćenje ista.

Davorka Čaplinski, sekretar Komisije, upozorila je na odredbe Zakona o javnim nabavkama, naglasivši da bi na nepoštivanje zakonskih odredbi mogla upozoriti revizija prilikom obavljanja revizije Parlamentarne skupštine Bosne i Hercegovine za 2006. godinu.

Ruža Sopta predložila je da se u vezi s ovom tačkom dnevnog reda Administrativna komisija obrati pitanjem Uredu za reviziju institucija Bosne i Hercegovine, a kad od njih dobije odgovor, zauzet će svoj stav u ovoj pravnoj stvari.

Prisutni su jednoglasno odlučili da se Uredu za reviziju institucija Bosne i Hercegovine postavi sljedeće

PITANJE

1. Mogu li se priznavati računi poslanicima za smještaj u hotelu koji nije izabran na tenderu, a koji odgovaraju cijeni hotela koji je izabran na tenderu?

c) Dostava pošte poslanicima koji ne koriste pravo na smještaj i odvojeni život, odnosno nemaju prebivalište ili boravište u Sarajevu

Obrazloženje uz ovu tačku dnevnog reda dala je Ruža Sopta. Prisutni su jednoglasno usvojili

ZAKLJUČAK

Poslanicima koji ne koriste pravo na odvojeni život i smještaj i koji nemaju stalno prebivalište ili boravište u Sarajevu Pisarnica Sekretarijata Parlamentarne skupštine Bosne i Hercegovine mora i dalje dostavljati svu poštu i materijal na adresu koju su joj dali.

Za realizaciju ovog zaključka zadužuje se sekretar Zajedničke službe Sekretarijata Parlamentarne skupštine Bosne i Hercegovine.

Nakon što je iscrpljen dnevni red, trideset šesta sjednica Administrativne komisije Predstavničkog doma Parlamentarne skupštine Bosne i Hercegovine završena je u 14,30 sati.

Sekretar
Administrativne komisije
Davorka Čaplinski

Predsjedavajuća
Administrativne komisije
Senija Kapetanović